

**SOALAN NO. : 51**

**DEWAN RAKYAT MALAYSIA**

**PERTANYAAN LISAN**

**PERTANYAAN : LISAN**

**DARIPADA : TUAN HAJI NASRUDIN BIN HASSAN  
[ TEMERLOH ]**

**TARIKH : 19/10/2015 (Isnin)**

**RUJUKAN : DR005**

**SOALAN :**

**Tuan Haji Nasrudin bin Hassan [ Temerloh ] minta MENTERI SUMBER ASLI DAN ALAM SEKITAR menyatakan hasil perbincangan dengan negara Indonesia (18-20 September 2015) untuk menangani masalah jerebu.**

## **JAWAPAN**

Tuan Yang di-Pertua,

Sebenarnya, perbincangan dengan negara Indonesia mengenai masalah jerebu rentas sempadan telah ditangguhkan sebanyak dua (2) kali iaitu pada 18 September dan 25 September 2015. Ia berikutan komitmen Menteri Lingkungan Hidup dan Kehutanan Indonesia yang diperlukan untuk menangani krisis jerebu di Sumatera dan Kalimantan pada masa tersebut.

Walau bagaimanapun, YAB Perdana Menteri telah mengadakan pertemuan dua hala dengan Presiden Indonesia, Joko Widodo pada 11 Oktober 2015 di Jakarta, Indonesia. Kedua-dua Pemimpin antara lainnya telah bersetuju untuk memperkukuhkan kerjasama dalam penyelesaian masalah jerebu merentas sempadan. Ini termasuk cadangan oleh Malaysia bagi berkongsi kepakaran dalam pengurusan tanah gambut secara lestari seperti pembinaan telaga air tanah (*tube well*) bagi meninggikan paras air di kawasan tanah gambut supaya tidak terbakar semasa musim panas dan kering. Presiden Joko Widodo juga telah menyatakan persetujuan untuk menghantar pegawai-pegawainya ke Malaysia bagi melihat kaedah Malaysia melaksanakan pencegahan pembakaran di tanah gambut khasnya melihat infra struktur pencegahan pembakaran di tanah gambut;

Sekian, terima kasih.

**MESYUARAT KETIGA, PENGGAL KETIGA  
PARLIMEN KETIGA BELAS TAHUN 2015  
PEMBERITAHUAN PERTANYAAN  
DEWAN RAKYAT MALAYSIA**

**PERTANYAAN : JAWAB LISAN**

**DARIPADA : TUAN NGA KOR MING  
[TAIPING]  
[DAP]**

**TARIKH : 19 OKT 2015, ISNIN**

**SOALAN : 52**

Minta **MENTERI KEMAJUAN LUAR BANDAR DAN WILAYAH** menyatakan apakah sebab-sebab sebenar **MARA** mengambil keputusan berhenti menaja mahasiswa-mahasiswa menuntut ilmu di Universiti Taylor, Malaysia.

## **JAWAPAN :**

Tuan Yang Di-Pertua,

Untuk makluman YB, sehingga September 2015, seramai 521 orang pelajar tajaan MARA mengikuti pengajian di Universiti Taylor dalam pelbagai bidang merangkumi Program Persediaan, Ijazah Pertama, Sarjana dan lain-lain program.

Jumlah tajaan pelajar ini merupakan bilangan yang besar bagi sesebuah Institusi Pengajian Tinggi (IPT). Penajaan pelajar oleh MARA di IPT termasuk di Universiti Taylor adalah dibuat mengikut keperluan semasa.